

臨潼縣志

壹集

地理
建置

2-8-2

12

民國拾壹年重印

臨潼縣志

江苏工业学院图书馆
藏书章

西安含章書局代印

臨潼縣志序

臨潼之爲邑最近郡而處正東實一郡之門戶也自京師使命西至陝又西而至蘭州又西而出嘉峪涉新疆其西南則至成都達於打箭鑪以至於

定西將軍之軍營莫不喉嚙乎潼關喘息乎西安會城而迓勞皆在臨潼自數道還走京師亦如之乾隆丙申

王師克奏金川之捷自

定西將軍

副將軍而下軍帥數十百輩俘獲生口男婦醜類數百千人加以星輶絡繹軍書旁午供給傳送臨潼實當其衝要

爲之令者宜其輟饗殮不暇櫛沐而邑令史君之縣志以
成當是時

大中丞畢公暨

藩臬

諸大府方聘南中名士修西安府志余適承乏自鳳翔
移守斯郡親俯仰承接於其間未嘗不嘆賢者之用心雖
處勢尊卑所及有遠近大小至其重根本樹風聲講求地
方利病作事必求來者可法未嘗不同也史君以有本之
學蒞邑數年殫心討究以成斯志頗爲余言其意以爲縣
當孔道皇華使者不俟輜軒之採而一邑之休戚可以周
知風俗之淳朴孝友貞廉人才之俊傑可以表式賦役之

規丁中之數可以無濫山川之盤互形勢之阨塞可一覽而無遺至於自古在昔女皇老子之遺踪櫟陽之都鴻門之阪新豐之社華清之宮可以資學士之憑弔作爲辭章以彰勸戒者又舊志之所能詳而不敢略也余讀而善之豈惟史君後之繼宰斯土者得此志而精考之亦不下堂而理矣此所以當軍事倥偬之中而懷鉛握槧小煩費而不能已者誠務於其本也史君爲吾鄉名進士實爲主筆襄其事者橫渠書院長崑山徐名德諒亦南中名流也因史君之請得牽連書之是爲序

峇乾隆四十一年小春上澣護理陝西西安等處驛鹽兼

月
巡道知西安府事軍功加五級紀錄十三次山右田錫莘

書於青門官署



臨潼縣志序

辛酉夏隨皖蒙

馮公來陝越兩月握篆咸陽又越三月調署斯邑溯白鬢
齡就傳讀聖賢書想見驪山巍崇參天蔽日溫泉清潔滌
慮洗心以及鴻門之宴忠氣勃勃華清之宮瑞氣濛濛風
景文物燦然可觀不禁神往者久之迨掇芹之後投筆從
戎本欲藉此遍歷諸名勝而足迹半天下未獲來此一遊
每爲悵惘今幸蒞茲土歡欣鼓舞自不待言惟是帝王之
德政賢哲之流風以及山川名勝禮教美俗年湮代遠歷
久而彌彰者固賴史書之具載尤賴邑乘之昭垂蓋此間

既遭花門之禍復嬰兵燹之災深恐邑乘殘毀文獻所徵
故下車伊始諸務未遑先閱縣志尙稱完整不禁欣然色
喜聿稽臨潼春秋由來甚久搜羅遍百代之遙紀載作千
秋之鑒甚盛事也受集紳寮之鴻議遂捐廉俸以增修欲
闡遺徽藉資觀感耀本書生未諳治術祇知本德禮政刑
以從事天德王道以化民付印之時不揣固陋謬將興革
諸大政及勸諭各界文附綴於後俾覽斯志者知予從政
之所先云

勸導 孝弟 忠信 禮義 廉恥 勤儉

提倡 苗圃 造林 修路 衛生 水利

實行 教育 剪髮 商務 放足

禁止 禁嫖 禁紙煙 禁奢侈 禁鴉片 禁賣女

掃除 匪類 迷信 邪說 淫戲

中華民國十年十二月 知事鄧長耀

臨潼縣公署勸諭各界人士文

孝爲百行之源故臥冰躍鯉千古播爲美談扇枕驅蚊至今傳爲嘉話可見定省溫清孝道勿虧先意承志事親應爾若不顧父母之養何以報鞠育之恩倘或貽父母之辱何以盡人子之道試看烏鴉反哺羊羔跪乳人而不孝禽獸何如

弟爲興家之本故孔融讓梨棠棣聯輝姜氏大被門第昌盛若以財產細故動輒同室操戈妻子譖愬因而骨肉不睦果如此而猶望興家立業顯親揚名未之有也况兄弟雖屬異體究係同根庭闈之變聞者傷心萁豆之詩讀者

墮淚凡今之人莫如兄弟古人豈欺我哉

忠

忠即盡心之謂盡忠報國武穆之功業常昭以忠待人曾子之返躬自省爲士者無忠心學業難進爲農者無忠心收穫不豐爲功者無忠心器具竊敗爲商者無忠心貨殖停滯以至軍政各界販夫走卒若對於職守苟且塞責虛應故事亦難得良好之結果

信

信即不欺之謂魏侯冒雨行獵不失約于虞人季布一諾千金不失信于儕輩晚近來人心不古詐虞成風不惟交際之場所在欺騙即骨肉之間動輒相蒙豈知無信不立適以自欺觀孔子人而無信不知其可之語即見信與人

生關係之重大也

禮

禮即踐履之謂大而冠婚喪祭小而視聽言動皆當依據而行少長有禮晉國之所以霸夫妻如賓冀缺之所以興若人倫大道專尙自由追遠慎終闕焉不講以至動作云爲無非放僻邪侈潰禮節之大防其害小貽國家之隱憂其害大也

義

義即至行過人之謂范文正置田以贍孤貧義氣昭垂天壤漢卜式毀家以紓國難義舉並壯山河非然者自私自利坐觀淪胥哀鴻遍野置若罔聞國步艱難視同秦越義氣既自枯亡行徑已非人類

廉
廉即不貪之意不飲盜泉無愧君子一介不取可謂大賢

否則利之所在如蟻赴膾以攘奪爲能力以巧取爲聰明
盡世界之所有不足給其求盡天地之所生不足盈其慾
貪多務得細大不捐不惟社會之蠹亦即國家之賊

恥
恥即有羞惡之謂曹沫不忘三敗之辱卒反侵地勾踐不

忘會稽之恥未幾沼吳恥之于人大矣若富貴所在不憚
奴顏婢膝以求威武當前只知搖尾乞憐以媚甚至置國
恥于不顧反顏面以事仇此等輩尙知人間有羞恥事耶
此邦帝王之都會聖賢之故鄉兼以西京明訓孝弟爲先
凡此天德王道涵育濡染深入人心近自歐風東漸專尙

新奇不無舍本趨末之弊本知事下車伊始深用隱憂茲
特剴切勸諭俾我父老昆弟一體返樸還淳庶幾耕田鑿
井之暇隴畝相安爾虞我詐之風閭閻頓息本知事有厚
望焉此諭

知事鄧長耀

臨潼縣志圖并序

前志共一十五圖今考新豐櫟陽皆非當日故地名亦屢更而名蹟甚多未免舉一遺二故第詳原委於各冊謹擇其要者共繪六圖於左

山川疆域十八鎮四十里總圖

縣治圖

縣署圖


學宮圖

驪山圖

華清宮圖

疆域圖

南交藍田縣界三十里
五里



鉄炉鎮 朱奚里

東交渭南縣界四十七里

東北交蒲城縣界九十五里

谷北里
馬額鎮

孝義里

周榮里

王龍里

新豐原

懷仁里

陰盤河

風王谷水

新豐河

戲河里

戲河

零河

零口鎮

新豐鎮

西市里

田王里

官庄里
辛街鎮

萬壽鎮

臥渡

渡口

里利亨

里豐永

里陽渭
田市鎮

油房街

里孟間

里甯永
相橋鎮

里橋柳

交口河

里陽棠

交口鎮

里業安

武家屯

里村任

里廣阜

里北張

里漆東



里門義

康橋鎮

石川河